

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 16.10.2018թ. թիվ 1808662939 որոշումն անփոփոխ, իսկ վարչական բողոքն առանց բավարարման թողնելու մասին

<<12>> 12 2018թ. 17-13-128028-18/17-13-11347

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Անահիտ Բալաբեկյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Գ.Նժդեհ փողոցի 21 շենքի 3 բնակարանի բնակիչ Անահիտ Բալաբեկյանը դիմումով խնդրել է բեկանել Ճանապարհային ոստիկանության վարչական տույժ նշանակելու մասին 16.10.2018թ. թիվ 1808662939 որոշումը՝ նշելով, որ Երևան քաղաքի Մայիսի 9-ի փողոցի տվյալ հատվածում կետագծեր են:

Դիմումի քննարկման արդյունքում պարզվել է, որ դիմումատուի փաստարկը վարչական ակտը վերանայելու հիմք չի կարող հանդիսանալ՝ հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը:

Դիմումատուին վարչական պատասխանատվության ենթարկելու մասին որոշման մաս կազմող իրավախախտումն ամրագրած տեսանյութը հստակ ապացուցում է, ինչպես 1.3 հանդիպակաց հոսքերն իրարից բաժանող զծանշման ամբողջական լինելը, այնպես էլ դիմումատուի կողմից դրա պահանջը չկատարելու փաստը, հետևաբար վերջինիս վարչական պատասխանատվության ենթարկելու մասին որոշումը հիմնավոր է և իրավաչափ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 16.10.2018թ. թիվ 1808662939 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Անահիտ Բալաբեկյանին:



Ե.Կարապետյան